

150.119
42
部 = 8

封邱縣續志

王廣慶題



封邱縣續志卷二十四

掌教

清代典禮

掌故九

諸壇 社稷壇每歲春秋二仲上戊出主於壇而祭之

祭品

帛二色黑 豕一 羊一 鉶一 籩四 豆四 簋二 簋二 爵三

儀注

祀日承祭官及陪祭官各衣朝服由禮生引至壇前盥洗上香迎神二跪六叩初獻一叩讀祝一叩亞獻三獻均如初獻儀飲福受胙一跪三叩徹饌送神二跪六叩望燎一揖禮畢

封邱縣續志

卷二十四

掌故九

一

開封新豫印刷所承印

祝文

惟

神奠安九土粒食萬邦分五色以表封圻育三農而蕃稼穡忝承守土肅展明壇時屆仲春秋敬修祀典丸丸松柏鞏盤石於無疆翼翼黍稷佑神倉於不匱尙 饗

先農壇 每歲仲春亥日巳時各率所屬官及耆老農夫致祭午時行耕藉禮

祭品

帛一 羊一 豕一 鉶一 籩四 豆四 簋二 簋二 爵三

儀注



各官吏蟒衣詣藉田行耕藉禮正印官秉耒佐貳捧青箱播種各官俱用右手扶犁左手執鞭各行九推禮農夫終畝畢各回官廳更朝衣望北闕恭行三跪九叩體畢耕藉品物農具一赤色牛一黑色籽種箱一青色

祀文

惟

神肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥庶幾九穗雙歧上瑞頻書於大有尙饗

風雲雷雨山川壇 每歲春秋仲月上戊合祭

封邱縣續志

卷二十四

掌故九

二

開封新豫印刷所承印

祭品

帛一 羊三 豕三 饌案三 籩豆各四

儀注

以地方正印官為主祀另於教職內委監禮官二人佐貳雜職內委監視祭品官一人其禮與社稷壇同

祝文

惟

神流峙正位雨暘時行金湯孔固闔境和平仲春致祭仰答鴻功尙享

厲壇 每歲清明節七月十五日十月初一日以城隍之神出受正祭另榜

無祀鬼神分祭之

祭品

羊三 豕三 飯米三斗

儀注

先期守土官飭所司具香燭至日蟒袍補服掛珠不嚮道詣壇行二跪六叩首禮畢守土官立西旁候神駕過作別迴署

祝文 白金

封邱縣知縣某等爲遵奉

禮部劄文祭祀闔境無祀孤魂等衆事蓋聞普天之下莫不有人莫不有鬼人則保聚之教養之俾無失所鬼則禋祀之時舉之俾無怨恫此皆有土者之職也但念孤魂等衆有死於水火盜賊者有因寒暑而死亡於道路者有因

犯罪而死於囹圄者有天災流行而瘟疫死者有年歲凶荒而飢餓死者有凶年脫欠錢糧官吏催迫死者有流離失所死於他鄉者有因房屋傾塌而壓死者有被猛獸毒虫而吞噬死者有因戰鬥而奮身死者有因鑄私錢造假銀被拿而自刎死者有淫婦結交姦夫謀害本夫而死者有因壓鎮而死者有因虫毒而死者有屈不得伸而鬱悶死者有因車碾馬踏而暴死者有婦人被丈夫公婆謀害死者有被強狠暴橫而毆死者有懸梁自縊死者有被傾陷誣枉而負屈死者有被人強奪妻女而氣死者有死而無子嗣者此等孤魂或沒於前代或亡於近世凡遇人間節令心思陽世心渺渺以無依身墮沉淪意懸懸而望祭依草附木或爲妖作怪呻吟於星月之下悲號於風雨之時生爲苦人死爲厲鬼故先制有郡厲邑厲之設茲於本年某月某

日虔具豕一羊一香楮等儀設壇於城北敬請本縣城隍尊神以主其祭旁列僧道爲之懺悔廣置香米爲之冥資一切鬼魅均分神惠各返其所勿爲作祟大宣厲文一道咸使聞之

諸廟 文廟祭期祭品詳見後

儀注

先期承祭官分獻官陪祭官齊赴階下行一跪三叩頭禮學師滌器視牲瘞毛血至期五更各官衣朝衣及各執事俱公服序立禮導承祭官至盥洗所贊盥洗畢引至臺階下立典爵唱樂舞生就位執事官各司其事贊分獻官陪祭官各就位贊承祭官就位各就位立典儀唱迎神唱舉迎神禮樂奏咸平之章樂作贊行三跪九叩首禮興樂止典儀唱奠帛行初獻禮唱舉初獻

樂奏甯正之章樂作贊陞壇導承祭官由東階進殿左門升大祭後改陞殿右門贊詣至聖位前承祭官至案前立贊跪贊奠帛捧帛者以帛跪進承祭官接帛拱舉獻畢贊獻爵執爵者以爵跪進承祭官接爵拱舉獻畢贊叩首興贊詣讀祝位承祭官詣讀祝位立讀祝者至案前捧祝版立案左樂止贊跪各官俱跪贊讀祝畢捧祝者至正前案上跪安帛匣內叩首退樂作贊叩首興承祭官及各官行三叩首禮興贊詣顏子位前承祭官就案前立贊跪贊獻帛捧帛跪進案左承祭官接帛拱舉獻案上贊獻爵執爵跪進案左承祭官接爵拱舉獻案上贊叩首興贊詣曾子位前如前儀其十哲兩廡分獻官俱照前儀禮畢贊復位承祭官分獻官各復位立樂止典儀唱行亞獻禮唱舉亞獻樂奏安平之章樂作贊陞壇獻爵於左如初獻儀贊復位承祭官

分獻官各復位樂止典儀唱行三獻禮奏景平之章樂作贊陞壇獻爵於右如亞獻禮贊復位承祭官分獻官各復位立樂止典儀唱飲福受胙贊詣受福胙位承祭官至殿內立捧酒胙二人捧至正位案前拱舉至飲福受胙位右旁跪接福胙二人左旁跪承祭官跪贊飲福酒承祭官受爵拱舉授執爵者贊受福胙承祭官受胙拱舉授接胙者贊叩首興贊復位立次行謝福禮贊行三跪九叩首禮興典儀唱徹饌唱舉徹饌樂奏咸平之章樂作贊行三跪九叩首禮興樂止典儀唱捧祝帛饌各詣燎所典儀唱望燎舉望燎樂與送神樂同贊詣望燎位導承祭官至燎位祝帛焚訖樂止贊禮畢退

崇聖祠 祭期祭品儀注詳見後

祝文

封邱縣續志

卷二十四

掌故九

五

開封新豫印刷所承印

惟

神積德累世發祥自長誕生至聖師表百王追王五代崇祀無疆茲值仲秋春式陳明薦以先賢顏氏先賢曾氏先賢孔氏先賢孟氏先儒程氏先儒周氏先儒朱氏先儒蔡氏配尚 享

歷代尊孔表 民國附

代	名	帝	號	年	月	事	考	備	註
周	敬	王	王	四十二年	四月	孔子卒魯哀公誅之曰尼父		丘仲深謂此後世追諡之始	
漢	高	帝	帝	十二年		魏安釐王以八代孫謙為魯文信君		後裔封爵始此	
	高	帝	帝	十二年		帝自淮南過魯以太牢祀孔子		此漢以下祀孔子始	

唐		南北朝		晉		三國		後漢			
元宗	太宗	北周宣帝		北魏孝文帝	宋文帝	武帝	魏廢帝	明帝	光武	平帝	
開元八年	貞觀四年	大象二年	又	太和十三年	元嘉二十三年	太始七年	正始二年	永平十五年	建武五年	元始元年	
詔以十哲為坐像悉與祀會參特為之像坐亞之圖七十子二十一賢於廟壁	令郡縣皆立文廟去周公以孔子為先聖顏回為先師以左丘明等二十二配享	恭聖侯晉爵鄒國公	每歲春秋二仲列軒懸樂六佾舞行三獻禮每月且祭酒領博士以下及諸生拜孔揖顏郡縣學博士以下亦每月朔行禮	親拜祭於廟	改諡孔子曰文宣尼父遣官勅廟行冊禮帝復齋中書省	皇太子講經親釋奠於太學	令太常釋奠以太牢祀孔子於辟雍	帝東巡幸魯詣孔子宅祀孔子及七十二弟子	帝幸魯使大司空以太牢祀孔子	追諡褒成宣尼公	
此十哲配祀之始	按上古祀始立教者皆稱先聖先師或神農或周公或顏回不必定孔子也此以孔子為先聖及先儒配享之始	此聖裔晉公爵之始	此後世春秋釋奠及朔日行禮之始		此釋奠用樂之始	丘仲深曰此太子釋奠之始	丘仲深曰漢以來釋奠之禮始見於此前此祀孔子闕里至是始行於太學	此畫像之始	張朝瑞曰此後世祀孔子弟子之始	此遣官告祭之始	丘仲深曰此後世諡宣之始

封邱縣續志

卷二十四

掌故九

六

開封新豫印刷所承印

封邱縣續志

卷二十四

掌故九

七

開封新豫印刷所承印

明	元							宋					
太祖	文宗	西夏仁宗	金章宗	高宗	徽宗	仁宗		真宗	太宗	太祖	憲宗		
洪武三年	至順元年	乾祐二十三年	明昌二年	十四年	紹興八年	崇甯三年	至和二年	大中祥符元年	太平興國三年	建隆三年	元和十三年	二十七年	十三年
詔設孔顏孟三氏學改世襲曲阜知縣為世職知縣以孔氏子弟之在曲阜除授	氏為大成至聖文宣王夫人	尊孔子為文宣帝	詔孔廟前置下馬碑祭時稱御名避聖諱	帝幸太學止輦大成門外升東階跪上香執爵祭酒再拜	詔衍聖公於衢州賜田奉祀	詔文宣王殿以大成名	改封孔子四十六代孫宗愿為衍聖公	追封叔梁紇齊國公顏氏魯國太夫人丌官氏鄆國夫人	帝謁孔子廟幸孔林降輦乘馬至墓設奠再拜	以文宣公知仙源縣事仙源者曲阜改名也	恩詔予文宣公一子	追謚孔子為文宣王贈十哲為公侯會參以下十七人為伯	帝幸孔子宅親釋奠遣禮部尚書蘇頌以太牢祭孔子墓
此設三氏學曲阜知縣世職之始	此先代及妻加封之始	此特尊為帝之始	此置下馬碑及避聖諱之始	此幸學跪拜降輦門外之始	高宗南渡孔氏率族如衢	此殿名大成之始	此封衍聖公之始	此追先代及妻之始	此幸孔林拜墓之始	此聖裔知本縣之始	此聖裔任子之始	此孔子封王弟子封公侯伯之始	此遣官祭墓之始

封邱縣續志

卷二十四

掌故九

八

開封新豫印刷所承印

十五年	南京太學成去塑像設木主	此聖廟設木主之始
二十六年	頌大成樂於天下	此郡縣用樂之始

成祖	永樂四年三月	帝親釋菜服皮弁行四拜禮	此釋菜四拜之始
英宗	正統三年	詔加封伯魯曾曾公爵偕顏孟父俱配享啓聖王殿	此啓聖祠配享之始
英宗	九年三月	帝幸學釋菜命行人官取衍聖公及三氏子孫赴京觀禮定爲令	此衍聖公及三氏子孫赴京觀禮之始

景帝	天順十六年	命所在過孔門者皆下馬	此過孔廟下馬之始
景帝	景泰二年	詔以顏孟後並爲五經博士世襲奉祀	此先賢後裔世襲博士之始

武宗	正德元年	命南京孔彥繩爲世襲五經博士奉衢州孔子廟祀	此南北京並置博士之始
武宗	二年	以北京孔聞禮爲世襲五經博士主子思子中庸書院祀	

世宗	嘉靖九年	詔孔子神位稱至聖先師去位號四配十哲以下去公侯伯爵	此孔子稱至聖先師之始
世宗	十四年冬	置世襲國子學正奉儀奉孔子廟祀	此世襲國子學正之始

神宗	萬曆二十八年	詔國學先師廟易以琉璃瓦	此先師廟用琉璃瓦之始
----	--------	-------------	------------

太宗	崇德元年	詔官祭孔子廟	
太宗	五年	定春秋二仲上丁行釋奠禮	

世祖	順治元年	定月朔及進士釋褐釋菜禮一月望行香儀又衍聖公封爵一如前朝階正一品班列尙書上	
----	------	--------------------------------------	--

清

封邱縣續志

卷二十四

掌故九

九

開封新豫印刷所承印

高宗			世宗			聖祖							
九年	三年	乾隆二年	七年	五年		三年	二年	雍正元年	六十一年	二十八年	二十三年	康熙九年	二年
詔禁止北省立三教堂道流建醮以天尊之號謬加聖人	頒御書與天地參額於天下學宮	詔以闕里文廟世宗憲皇帝特命蓋易黃瓦辟雍規制宜加崇飾大成門大成殿著用黃瓦崇聖祠著用綠瓦以昭展敬至意	重修闕里文廟成新塑聖賢之像聖像冕十二旒服十二章啓聖先賢冕九旒服九章用玄衣纁裳頒發鎮圭	詔查八月二十七日恭值聖誕內文武各官軍民人等致齋一日不理刑名禁止屠宰著爲令	查毛詩及古文此字讀作期音者甚多嗣後除四書五經外凡遇此字並加卜旁讀作期庶協尊崇之意	頒生民未有額於天下文廟詔郡縣學二祭增用太牢又諭先師孔子聖諱理應迴避	詔追封孔子先世五代爲王啓聖祠改爲崇聖祠	詔改幸學爲詣學	詔以衍聖公視正一品蔭子五品官著爲令	製孔子贊并顏曾思孟贊	製萬世師表四字懸魯之大成殿明年頒行天下學宮	詔頒臥碑於天下學宮	改賜三台銀印又衍聖公嫡長子年至十五歲授二品官服
										通典作二十九年四月			

封邱縣續志

卷二十四

掌故九

十

開封新豫印刷所承印

民國

仁宗 嘉慶五年

頒御書聖集大成額於天下
學宮

宣宗 道光元年

頒御書聖協時中額於天下
學宮

文宗 咸豐

頒御書德齊幃載額於天下
學宮

穆宗 同治

頒御書聖神天縱額於天下
學宮

德宗 光緒三十三年

詔孔子升大祀頒御書斯文
在茲額於天下學宮

清時祠祭分大祀中祀羣祀三等
大祀祭天上帝太廟社稷至是
又升先師孔子也

宣統元年

頒御書中和位育額於天下
學宮

元年二月

大總統通令以宗仰時聖道
不虛行以正人心而立民極
徵集天下國民意見尹昌衡
電請以全國學校仍行釋奠
禮

三年二月

通令聖哲後裔仍舊膺受前
代榮典

九月

大總統率百官舉行祀孔典
禮各省孔廟令各該長官主
祭

六年三月

康有為電請飭全國祀孔仍
行拜跪禮

十四年三月

劉富槐呈學校宜讀經宗孔
子以端趨向而奠國魂

十七年十一月

何健條陳請規定教育施政
大綱重新編訂各級教科書
嚴禁謗毀孔孟仇視六經以
崇正學

二十年二月

曹元弼張一麐曹樹蔚唐文
治請撥款修復曲阜林廟呈
損壞調查單

五月

程清條陳更定教育宗旨尊
崇孔道以救危亡

二十三年七月

國府定每歲八月二十七日
聖誕為國定紀念日通令各
地一致舉行

右表參自闕里志闕里文獻考學宮譜文廟祀典考皇朝通考掌故彙
編及五禮通考歷代尊孔記等書然各書所載同一事也有詳略而不
同年月且或異者乃比類參證去少從多自周迄民國擇要選錄按年
編注俾尺幅之間以見夫歷代尊禮先師褒崇聖德之至意第簡略錯
誤之處將恐難免增益訂正有待後之君子耳

關帝廟 每歲以春秋二仲及五月十三聖誕日致祭

祭品

帛一 牛一 羊一 豕一 登一 釧一 籩十 豆十 五月十三日祭品

封邱縣續志

卷二十四 掌故九

十一

開封新豫印刷所承印

帛一 牛一 豕一 羊一 果五盤

儀注

祭日禮生引承祭官進左旁門盥洗畢至殿內行禮處上香迎神三跪九叩
初獻三叩讀祝三叩亞獻三獻均如初獻儀飲福受胙三叩徹饌送神三跪
九叩望燎一揖禮畢

祝文

惟

帝浩氣凌霄丹心貫日扶正統而彰信義威振九州完大節以篤忠貞名高
三國神明如在徧祠宇於寰區靈應丕昭薦馨香於歷代屢徵異蹟顯佑羣
生恭值良辰遵行祀典筵陳籩豆几奠牲醪尙 饗

關帝三代廟 在縣西街關岳廟東院每歲與帝廟同日致祭雍正三年追

封公爵

光昭公 正中南向

裕昌公 東一室南向

成忠公 西一室南向

祭品

帛各一色白 豕各一 羊各一 籩豆各八

儀注

承祭官詣各案前奉香行二跪六叩禮餘同前殿

祝文

封邱縣續志

卷二十四 掌故九

十一

開封新豫印刷所承印

惟

神世澤貽休靈源積慶德能昌後篤生神武之英善則顯親宜享尊崇之報
列上公之封爵錫命攸隆合三世以肇禋典章明備恭逢諏吉祇事薦馨尙
饗

城隍廟 每歲春秋二仲上戊及三月二十八日致祭

大王廟 每歲春秋二仲上戊日致祭

八蜡廟 清乾隆三年以劉猛將軍配每歲春秋二仲上戊致祭

火神廟 每歲春秋二仲上戊及六月二十三日致祭

馬王廟 每歲春秋二仲上戊及六月二十三日致祭

土地廟 每歲春秋二仲上戊及六月六日致祭

文昌閣

制詳縣學

清嘉慶六年通飭各直省每歲春秋二祭二月初三日聖誕

致祭為春祭八月由欽天監選定吉日祭之為秋祭並製文昌帝君先代神牌照關帝先代祀典致祭

祭品

帛一 羊一 豕一

儀注

三跪九叩首

祝文

清嘉慶六年頒定

惟

神蹟著西垣樞寰北極六匡麗曜協昌運之光華累代垂靈為人文之主宰

封邱縣續志

卷二十四

掌故九

十三

開封新豫印刷所承印

扶正久彰夫感召薦馨宜致其尊崇茲屆仲春用昭時祀尙其歆格鑒此精

虔

文昌三代祠

制詳縣學

祭品

帛一 豕三 羊三 祭品一案

儀注

二跪六叩

祝文

惟

神祭引先何之義禮崇反本之思矧夫世德彌光延賞斯及祥鍾累代炯列

宿之精靈化被千秋緯人文之主宰是尊後殿用答前庥茲屆仲春肅將時

事用申告潔神其格歆

封父祠 每歲清明節致祭

祭品

帛一 豕一 羊一

儀注

二跪六叩

祝文

惟

神侯爵兆封郡國著名水源木本相傳無窮清明佳節用報鴻功牲醴致祭

封邱縣續志

卷二十四 掌故九

十四

開封新豫印刷所承印

鑒茲微誠尙 享

翟母祠 每歲清明節致祭

祭品

帛一 豕一 羊一

儀注

二跪六叩

祝文

惟

母生於漢代淑德名揚有功高帝千載流芳茲值令節禱祀肅將慈靈昭昭

來格來嘗尙 享

附 淘翟母井祈雨祝文 黃全用印

惟

母生於漢代長於我封所遺之井淘之即雨則神母之靈定位居紫府而神母之井必上通銀漢今者旱魃為虐望雨孔殷冀神母之垂慈爰淘井而待澤倘桑梓念切甘霖立降則昔也惠及漢帝芳名永垂不朽今茲澤被桑麻血食自爾無窮謹具祝詞昭告母靈

謝雨祭翟母文

吁嗟神母淑德流芳井泉遺愛惠澤無疆某宰斯土適逢亢暘聞神母之有靈爰淘井而徬徨方浚事之甫作遂膏雨之立滂神功迅速報賽用彰敬陳牲醴來格來嘗尚 享

封邱縣續志

卷二十四 掌故九

十五

開封新豫印刷所承印

百里使君祠 每歲二月初十日五月二十七日致祭

祭品

帛一 豕一 羊一

儀注

二跪六叩

祝文

惟

神漢代良吏德動上蒼澤被後世千載名揚萬民歌頌感戴不忘風雨調順賴公默勳今逢華誕祭祀肅將惟公有靈來格洋洋尚 享

二程祠 每歲春秋仲月中丁日致祭

祭品

帛一 豕一 羊一

儀注

二跪六叩

祝文

惟

神學衍濂洛道接孔孟興起斯文明心見性救弊補偏闢邪衛正掘窟探根
闡發意命千四百年新源重整善治道傳真儒詮定啟後承先不愧紹聖尙
享

朱子祠 每歲春秋仲月中丁日及九月十五誕日致祭

封邱縣續志

卷二十四

掌故九

十六

開封新豫印刷所承印

祭品

帛一 豕一 羊一

儀注

二跪六叩

貞烈祠 每歲清明節致祭

祭品

帛一 豕一 羊一

儀注

二跪六叩

祝文

惟

神節堅金石名著古今青陵台畔英氣常新張羅志死連理實存如氏操守
千載罕倫敬陳牲醴追祀維殷尙 享

名宦祠 每歲春秋釋奠畢教諭一人公服詣祠致祭漢平邱周公等名宦

案歷代名宦本主被
駐軍毀沒其詳無考

祭品

豕首一 餘同兩廡

儀注

同兩廡

祝文

封邱縣續志

卷二十四

掌故九

十七

開封新豫印刷所承印

惟

神海內之英邦家之光先後繼治膏澤無疆封民感德歌頌不忘崇祀饗序
以報循良尙 享

鄉賢祠 祀漢徐州刺使百里嵩等祭期祭品儀注同名宦

祝文

惟

神山川毓秀天地鍾靈惟忠惟孝立德立功卓爾前代垂範無窮潔治祭儀
用展寸誠尙 享

忠義祠 祀陳英等祭期祭儀祭品同名宦

祝文

惟

神性秉彝德行敦倫常孝隆於家義重於鄉名垂竹帛姓字馨香山河不朽
日月爭光血食千載永享蒸嘗尙 享

節孝祠 祀息氏等祭期祭品儀注同名宦

祝文

惟

神心堅金石節凜冰霜柏舟矢志感悅情傷從一而終婦道允臧應隆廟祀
千古流芳尙 享

諸雜儀 拜牌萬壽聖節前一日於關帝廟設置龍亭排列儀仗至日五更文
武各官衣朝衣齊赴立丹墀下文東武西禮生四名稟三鼓行禮引至各拜

封邱縣續志

卷二十四

掌故九

十八

開封新豫印刷所承印

位通贊唱序班行三跪九叩頭禮禮畢各退前三日後三日俱蟒衣坐班

元旦

冬至儀同

儀仗

龍亭一 龍幄一 龍扇一 椅一 香亭一 龍傘一 梧杖二 盆一

立瓜二 臥瓜二 骨朶二 金鉞二

拜詔 詔書至本地官員衣朝衣具龍亭彩輿儀仗鼓樂出郭外肅迎詔安
龍亭隨班導引至公署跪於門左俟入贊禮通贊序班文東武西行三跪九
叩頭禮聽宣讀畢捧詔安龍亭仍行三跪九叩頭禮

朔望 朔日長官及僚屬雞鳴起昧爽謁文廟行禮率僚屬暨鄉約木鐸老
人司約人等宣講聖諭儒學遇長官謁廟率諸生迎接行禮引入明倫堂講

書望日略同

赴任 凡新官到任先期告示官屬人等令灑掃應祀神祇祠宇預治牲醴至城外齋宿入城詣諸神祠致祭如儀受印至本衙門儀門前下轎從中道入月台上望闕行一跪三叩頭禮陞公座整堂儀開印信具書押凡參見禮先從皂隸次吏典新官坐受次屬官參見行兩拜禮新官拱手答禮禮畢查點倉庫鑰匙署判各房須知事件凡到任衣蟒衣三日

迎春 每歲有司預期塑造春牛並勾芒神立春前一日各官吉服迎於東郊土牛南向勾芒神西向具香案酒果祭勾芒神至本日朝服祭勾芒神祭畢各執綵仗正官擊鼓三聲環鞭土牛者三

賓興 生員應試知縣擇吉治優觴延致縣堂諸生見知縣教官向上三躬

畢卽席知縣居右席教官居左席諸生依次東西列坐酒三巡諸生告辭是日先駕彩轎於儀門內優人辦姮娥執桂花鼓樂導諸生以登優人簪花由中門出諸生先至東門外候知縣到入彩棚酒三巡諸生打躬謝知縣回諸生乃退

鄉飲 每歲正月十五月初一日於儒學行禮前一日執事者於儒學之講堂陳設坐次司正率執事者習禮至日黎明執事者宰牲具饌主席及僚屬司正先詣學遣人速賓僎以下比至執事者先報曰賓至主席者率僚屬出迎於庠門之外以入主居東賓居西三揖三讓而後升堂東西相向立贊兩拜賓坐執事又報曰僎至主席又率僚屬出迎揖讓升堂拜坐如前儀賓介俱至既就位執事者唱司正揚觶執事引司正由西階至堂中北向立執

事者唱賓僕以下皆立唱揖司正賓僕以下皆揖執事者以解酌酒受司正
司正舉酒曰恭惟朝廷率由舊章敦崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄弟恭內睦宗族外和鄉里無
或廢墜以忝所生語畢執事者唱司正飲酒飲畢以解授執事執事者唱揖
司正揖賓僕以下皆揖司正復位賓僕以下皆復位唱讀律令執事者舉律
令案於堂之中引讀律令者詣案前北向立唱賓僕以下皆立行揖禮如前
讀畢復位執事者唱供饌案執事者舉饌案至賓前次僕次介次主三賓以
下各以次舉訖執事者唱獻賓主起席北面立執事斟酒以授主主受爵詣
賓前置於席稍退贊兩拜賓答拜訖執事又斟酒以授主主受爵詣饌前置
於席交拜如前儀畢主退復位執事者唱賓酬酒賓起僕從之執事斟酒授
東西行仍三指出庠門而退

凡鄉飲酒禮序長幼崇賢良別奸頑其坐席間高年德劭者居上高年淳
篤者次之以次序齒而列其有違條犯法者不許遷於良善之席違者罪
以達制敢有誼譁失禮者揚解者以禮責之主知縣爲之位於東南大賓
以致仕官爲之位於西北僕擇於里中年高有德之人位於東北介以次
長位於西南三賓以賓之次者爲之位於賓主介僕之後除賓僕外衆賓

序齒列坐其僚屬則序齒司正以教職爲之主揚解以罰贊禮者以老成
生員爲之歌章初歌鹿鳴之首章次歌南山之首章三歌湛露之首章終
歌天保之首章

鄉約 凡縣城內及各大鄉村各立講約之所設約正一人於舉貢生員內
揀選老成有學行者爲之值月三四人選樸實謹守者爲之值二籍德業可
勸者爲一籍過失可規者爲一籍值月掌之月終則告於約正而授於其次
每月朔日舉行先期值月預約同鄉之人夙興集於講約之所俟約正及耆
老里長皆至相對三揖衆以齒分左右立設案於庭中值月向案北面立亢
聲宣讀聖諭廣訓各人肅聽約正復推說其義必剴切叮嚀務使警悟通曉
未達者仍許其質問講畢於此鄉內有善者衆推之有過者值月糾之約正

詢其實狀衆無異詞乃命值月分別書之值月遂讀記善籍一遍其記過籍
呈約正及耆老里長默視一遍皆付值月收之事畢衆揖而退歲終則考校
其善過彙册報縣設爲勸懲之法有能改過者一體獎勵之

祈禱 祈雨在城隍廟各官素服步行至廟禮生四名引至拜位拜用席通贊
生唱行一跪三叩頭禮宣疏文畢再行一跪三叩頭禮焚疏文再揖禮畢祈
晴衣吉服拜用紅氈餘儀同祈雨

祈雨祝文

惟

神萬民共主一邑保障捍災禦患功德無疆今值亢旱惟神是望轉達天庭
懇求上蒼普降甘霖優渥土壤虔誠齋戒拜禱廟堂尙 享

祈雨牒文

清乾隆六年二月祈雨知縣王積祚見舊詞不工命邑人陳雲卿復作此文

爲祈求甘雨以大豐登事照得二麥爲民命所關三時惟春前爲重天高地厚四方沐膏澤之恩兩順風調萬世享豐豫之福歲惟某某節屆仲春臈雪既微田塍正需雨澤麥苗待發高下亟藉滋培惟我大神位在平邱職司主宰上體聖天子子惠之至意撫字共此一方恭承各憲台愛養之深心幽明本無二理麥苗黃痿豈皆民俗之失調雨澤愆期實由吏治之失德敝縣恭蒙憲委任事方新念切民依祈求孔亟一時齋戒豈敢冒瀆神聰半點葵誠惟望俯垂慈照凡此朝廷之兆姓實爲宰吏之子民抑此陽官之黎庶卽係神明之赤子陰陽雖異職守無殊謹擇於某月某日爲始用竭精誠恭爲祈禱爲民請命期沛甘霖知縣民牧攸司豈忍聽其枯槁大神慈雲普被諒必

封邱縣續志

卷二十四

掌故九

二十一

開封新豫印刷所承印

有以挽回伏冀轉奏上天誠通帝座賜春膏於下土三日爲期倍收禾於麥秋萬民永戴寸私迫切待命實殷寶馬香烟用達悃忱於左右喙經理懺摠求大澤之霑濡下民之感激宏恩與天同久官吏之幸叨福庇頂祝無疆爲此合牒本縣城隍靈應尊神煩查牒內事理務期幹旋造化迅賜甘霖四野霑足以濟蒸民須至牒者

祈晴牒文

爲祈禱晴明事竊惟國以民爲本民以食爲天則食乃天之所生以養民命者也况時屆孟秋正早穀登場晚穀結實之日必天氣晴明庶豐盈可慶今秋雨過多未免收成有礙本縣職司民牧日冀奠安而乃陰雨時佈有害田禾心甚悼之除齋戒虔誠祈禱外爲此合牒本縣城隍靈應尊神祈卽查牒

文內事務期陽光普照旭日時升欣欣向榮得遂生長庶早秋即可登場
晚禾亦漸次結實以濟民生以裕國課須至牒者

救護

遇日

食先期設香案於露臺金鼓列儀門樂人列臺下設拜位於露

臺上俱向

月日

至期陰陽生報

月日

初虧各官素服行三跪九叩頭禮班首官上

香畢正官擊鼓三聲衆鼓齊鳴謂之救護至食甚時陰陽生報

月日

食甚各官

行三跪九叩頭禮及報圓鼓聲止各官衣朝服行三跪九叩頭禮畢各退

送學

凡歲科試新進紅案到縣擇日設席於大堂諸生著藍衫分班參見

行四拜禮卽席給花紅鼓樂導前送至孔廟墀下行三跪九叩頭禮次詣明

倫堂知縣與學師交拜新生參見學師行四拜禮宣讀臥碑卽席飲三巡起

立新生向上三揖退

